



民族典第四百十九卷

米姓部彙考

廖用賢尙友錄 米姓

米京兆微音出西域米國又望出隴西高平

米姓部列傳

唐 米放

按襄陽府志放字長通隱居剡溪曹王臯鎮江西辟爲節度叅謀後召爲拾遺不赴詩文多行於世

米嘉榮

按尙友錄嘉榮長慶間人善歌劉禹錫詩云唱得涼州意外聲舊人惟有米嘉榮又三朝供奉米嘉榮能變新聲作舊聲子和尤善琵琶

米君立 米暨

按萬姓統譜君立將軍

按萬姓譜統暨會昌中爲振武軍節度使饋李德裕羊四百

米志誠

按十國春秋吳米志誠事太祖爲牙校勇敢有膂力以善射名高祖時充行營都指揮使累遷泰寧軍節度使朱瑾之殺徐知訓也徐溫疑其助瑾必欲殺之巖可求詐稱袁州大捷召將吏入賀伏甲擒志誠斬之并其諸子

宋 米信

按宋史米信傳信舊名海進本溪族少勇悍以善射聞從周世宗征高平以功遷龍捷散都頭太祖總禁兵以信隸麾下改名信及卽位補殿前指揮使太平興國四年擢保順軍節度使雍熙二年征幽薊命爲幽州西北道行營馬步軍都部署坐失律責授右屯衛大將軍明年復授彰武軍節度端拱四年召爲右武衛上將軍爲其家人所告下御史鞠之獄未上而卒子繼豐內殿崇班閣門祇候

米芾

按宋史米芾傳芾字元章吳人以母侍宣仁后藩邸舊恩補含光尉歷太常博士知無爲軍召爲書畫學博士擢禮部員外郎出知淮陽軍卒芾爲文奇險不蹈襲前人軌轍特妙於翰墨畫山水人物

自名一家好潔成癖至不與人同巾器所爲譎異無爲州治有巨石狀奇醜芾見大喜曰此足以當吾拜具衣冠拜之呼之爲兄又不能與世俯仰故從仕數困

米友仁

按宋史米芾傳芾子友仁字元暉力學嗜古亦善書畫世號小米仕至兵部侍郎數文閣直學士

米璞

按宋史劉化源傳化源耀州人有米璞者與化源同鄉里登政和二年進士第通判原州劉豫欲官之杜門謝病卒不汙僞命紹興九年詔赴行在而簽書樞密院事樓炤言璞苦風痺遂命轉官奉祠

米巨宏

按萬姓統譜巨宏紹興初以寧化丞攝連城縣事當寇亂之餘創廨宇修學宮給田以養士人咸頌之

米悠

米文義

米憲

按萬姓統譜悠襄陽人判滁州

按萬姓統譜文義侍衛都指揮使

按萬姓統譜憲嘉泰中

守瑞州

米立

按宋史米立傳立淮人從陳奕守黃州奕降立潰圍出江西制置使黃萬石署爲帳前都統制元兵略江西立迎戰於江防被執不降繫獄行省遣萬石諭之立不屈遂遇害

元 米安

按萬姓統譜安奉聖州人性淳素尙簡古隱居不仕能以義方振家聲

明 米稚 米顯 米森 米聰 米貝

按萬姓統譜稚清遠人洪武進士 按萬姓統譜顯乾州人永樂進士 按萬姓統譜森霍州

人永樂舉人 按萬姓統譜聰元城人宣德中任督府斷事 按四川總志貝彭縣貢士苦學

制行事繼母曲爲承順推讓貨產以與異母弟當事表其閭曰獨行之士

米璿

按山西通志璿山陰人宣德己卯舉人授慶陽府同知陞南京戶部郎出任永平知府潔己愛民斷

獄平允而執法不撓一夕居民聞鼓吹聲潛起闕之見瓘乘華輪詣城隍廟黎明傳瓘卒

米容 米擴 米盈 米堅 米浚 米成 米卿爵 米榮

按萬姓統譜容山陽人宣德舉人官主事 按萬姓統譜擴文水人宣德舉人 按萬姓統譜

盈武宣人正統中任瓊州府通判 按萬姓統譜堅山東人正統中以御史謫監利知縣爲政平

易士民思之 按萬姓統譜浚和州人成化中任眉州知州 按萬姓統譜成隴州人正德中

任宿州判 按萬姓統譜卿爵正德中安莊衛貢士 按萬姓統譜榮字仁夫邵武人嘉靖壬

辰進士歷副使

米萬鍾

按順天府志萬鍾字仲昭宛平人性孝友成萬曆乙未進士歷任江西按察使爲逆璫魏忠賢所怒削籍璫敗萬鍾起補太僕少卿未幾病卒生平蓄奇石甚富人稱爲友石先生

米壽圖

按明外史米壽圖傳壽圖宛平人崇禎中由舉人授新鄉知縣以治行徵授南京御史福王時壽圖

出按四川時四川地已爲張獻忠所據壽圖至則與督師王應熊總督樊一衡等聯絡諸將號召遠近漸復川南郡縣唐王擢壽圖右僉都御史巡撫貴州孫可望等陷貴陽壽圖出走沅州沅州陷壽圖死之

米姓部雜錄

黃學士文集米元章自署其姓名及所用圖記米或爲芑芑或爲黻黻與芑猶可通用芑乃楚姓米氏自出西域米國故人入中國者因以爲姓唐有回紇米懷玉五代有沙陀米志誠非若樓之與婁邵之與召同所祖也姓固不可改字音之相近者寧可混而一之耶或曰山谷極稱引初平初起豈皇與黃可混爲一姓乎是不然所謂金華仙伯金華牧羊客者蓋言其先金華人耳非指初平初起爲同姓也然他傳記初平初起亦或作黃而山谷則自謂七世以上失其譜於金華之族尙莫適相通蓋未嘗以初平與初起混皇黃爲一姓也

禰姓部彙考

廖用賢尙友錄 禰姓

禰平原父廟爲禰此從父而別姓也

禰姓部列傳

後漢 禰衡

按後漢書禰衡傳衡字正平原般人少有才辯而氣尙剛傲好矯時慢物唯善魯國孔融及弘農楊修融亦深愛其才數稱述於曹操操聞衡善擊鼓乃召爲鼓史因大會賓客閱試音節諸史過者皆令脫其故衣更著岑牟單綬之服次至衡衡方爲漁陽參搥蹀躞而前容態有異聲節悲壯聽者莫不慷慨衡進操前而止吏訶之於是先解袒衣次釋餘服裸身而立徐取岑牟單綬而著之畢復參搥而去顏色不忤孔融退而數之因宣操意衡許往融復見操說衡狂疾今求得自謝操喜勅門者有客便通待之極晏衡乃著布單衣疎巾手持三尺棧杖坐大營門以杖箠地大罵操怒送與劉表表甚賓禮之後復侮慢於表表恥不能容以江夏太守黃祖性急故送衡與之祖亦善待焉後黃祖在蒙衝船上大會賓客而衡言不遜順祖大怒令五百將出欲加箠衡方大罵祖恚遂令殺之祖主簿素疾衡卽時殺焉

禮姓部彙考

鄭樵通志 上聲

禮氏見姓苑衛大夫禮孔後漢禮震受尚書於歐陽歙望出平原

禮姓部列傳

周 禮孔

按左傳閔公二年衛及狄人戰於滎澤衛師敗績狄人囚華龍滑與禮孔以逐衛人

禮至

按左傳僖公二十四年衛人將伐邢禮至曰不得其守國不可得也我請昆弟仕焉乃往得仕

後漢 禮震

按後漢書歐陽歙傳世祖卽位歙爲汝南太守在郡教授數百人九年徵爲大司徒坐在汝南臧罪千餘萬發覺下獄諸生守闕爲歙求哀者千餘人至有自髡剔者平原禮震年十七聞獄當斷馳之京師行到河內獲嘉縣自繫上書求代歙死

注

震字仲威拜郎中以公事左遷淮南王廐長

禮賢

按萬姓統譜賢新市長

明 禮人

按續文獻通考永州推官禮人開州人

邱姓部彙考

鄭樵通志 上聲

邱氏風俗通漢有上郡太守邱社北齊有行臺僕射邱珍中山曲陽人孫懷道唐左司郎中又居洛

陽望出中山

邱姓部列傳

漢 邱社

按萬姓統譜社漢上郡太守

北齊 邱珍

按北齊書邸珍傳珍字寶安本中山上曲陽人也從高祖起義拜爲長史性嚴暴求取無厭後兼尙書右僕射大行臺節度諸軍事珍御下殘酷衆士離心爲民所害後贈定州刺史

唐 邸懷道

按萬姓統譜懷道中山人左司郎中

元 邸亨

按萬姓統譜亨行唐人貞祐間河朔兵起因結豪傑用保鄉曲累從史天澤伯顏有戰伐之功賜金符總七路萬戶府事贈昭勇大將軍中山郡侯

邸順 弟常

按元史邸順傳順保定行唐人占籍於曲陽縣金末盜起順會諸族集鄉人豪壯數百人與其弟常築兩砦於石城元保分據以守歲甲戌率衆來歸太祖授行唐令丙子陞恆州安撫使金將武仙據眞定攻敗之仙走以功賜順名察納合兒陞驃騎衛上將軍充山前都元帥弟常賜名金那合兒辛卯以順知中山府己亥爲行軍萬戶丙辰春卒子浹襲職

邸琮

按元史邸順傳順族弟琮太祖時從族兄常來降歲癸巳從元帥滅金有功授真定五路萬戶選充總管府推官尋授管軍總押管領七路兵馬鎮徐州至元十二年授武德將軍累官懷遠大將軍管軍萬戶改授廬州蒙古漢軍萬戶尋遷潁州翼二十八年移鎮杭州卒子元謙襲爲潁州萬戶元謙卒子祺襲祺卒子忠襲

邸榮祖

父閏

按元史世祖本紀至元元年二月甲寅以故亳州千戶邸閏陷於宋命其子榮祖襲職

邸浹

按元史邸順傳順子浹從世祖圍鄂州有戰功至元十一年授金州招討副使遷懷遠大將軍金州萬戶十三年改襄陽管軍萬戶三月以樞密院奏行淮西總管萬戶府事守廬州十四年移龍興十五年復爲管軍萬戶十七年陞爲鎮國上將軍都元帥元帥府罷爲歸德萬戶鎮守吉安未發統領江西各萬戶大德三年卒諡襄敏

邱榮仁

按元史邱順傳順子浹卒子榮仁襲爲宣武將軍歸德萬戶鎮廣東惠州感瘴疾不任事子貫襲貫卒子士忠襲士忠卒子文襲

明 邱鵬

按畿輔通志鵬唐縣人洪武時進士擢御史忠鯁清廉知無不言後得罪籍其家止木匙二張木筯五雙皆鄉物也上嘉其清復官廣東廉憲

邱善

邱振

邱鄧

邱定

邱泉

邱贊

按萬姓統譜善高陽人洪武中任苑馬監正

按萬姓統譜振易州人正統中任交河縣訓導

按萬姓統譜鄧高陵人天順中任魏縣主簿

按萬姓統譜定昌黎人弘治中任揚州府照磨

按萬姓統譜泉昌黎人弘治中任杭州府通判

按畿輔通志贊嘉靖甲午舉人

邱憲章

按山西通志憲章嵐縣人性至孝力農養親父疾夜不解衣者累月父卒母郭孀居病篤憲章焚香

懇禱於天願減己年以增母壽母疾果愈及母卒哀毀不尙佛事祭葬以禮

邸瑀

按山西通志憲章子瑀能繼其孝喪母哀毀骨立事繼母以孝聞後膺歲薦爲岐山主簿清慎有爲邑人稱慕

邸挺然

按太原府志挺然嵐縣廩生孝友素著見義勇爲捨地爲義塚瘞民骸之暴露者年饑出粟賑濟全活多人

邸宅

按襄陽府志宅由貢生任襄陽府通判才而廉時稅璫恣橫每欲虐民必使宅捕之宅輒格不行璫怒使人碎宅冠裳昇之去宅見璫罵曰汝閹奴敢殺朝廷命官耶士民擁救獲免璫以他事中之繫獄俄而得白卒崇祀名宦

邸錦

邸其昌

邸如翼

邸存性

邸養性

按山西通志錦嵐縣人隆慶庚午科舉人

按山西通志其昌嵐縣人萬曆中進士

按萬姓

統譜如翼山西嵐縣人萬曆間山東蒙陰丞

按畿輔通志存性昌黎人萬曆丙辰科進士官主

事 按明外史吉孔嘉傳崇禎十五年以守城被難者永清教諭邸養性

洗姓部彙考

凌迪知萬姓統譜 洗姓

洗見姓苑望出南海

洗姓部列傳

晉 洗勁

按鄭樵通志晉有洗勁南海人

隋 洗瑤徹

按萬姓統譜瑤徹高涼守

宋 洗積中 洗一龍

按萬姓統譜積中廣信人

按萬姓統譜一龍番禺人進士

明 洗用行 洗尙文

按萬姓統譜用行番禺人永樂初爲鎮江府推官斷獄平允甚得民心士論賢之

按萬姓統譜

尙文用行孫廣東人正德進士改庶吉士

洗文淵

按奇姓通文淵廣東順德人正德四年由鄉貢知南安縣性方介不能徇上以奸頑犯者無曲貸然其愛民出自真誠民感之徭役賦稅皆以時會無後期者居官清苦食無重味衣無重襲沖約如寒士

洗桂芳 洗思謙

按萬姓統譜桂芳南海人萬曆癸酉舉人

按萬姓統譜思謙南海人

璽姓部列傳

明 璽書 璽薰

按萬姓統譜書陽穀人正德中任富峪衛經歷

按續文獻通考進士璽薰建寧人

且姓部列傳

明 且簡

按萬姓統譜簡觀城人正德中任潞州判官

牀姓澧姓體姓部彙考

凌迪知萬姓統譜

牀姓

澧姓

體姓

牀見姓苑

澧見姓苑

體上禮切見姓苑